



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2025. godini broj: 02-04-8728-2.1/25 od 14.03.2025. godine, utvrđen Zaključkom Vlade Kantona Sarajevo broj: 02-04-8728-2/25 od 14.03.2025.godine, o b j a v l j u j e;

**JAVNI POZIV NEZAPOSLENIM OSOBAMA I POSLODAVCIMA SA PODRUČJA
KANTONA SARAJEVO DA SE PRIJAVE ZA UČEŠĆE U PROGRAMU
SUFINANSIRANJA ZAPOŠLJAVANJA „SIGURAN KORAK“**

I

Program zapošljavanja „Siguran korak“ (u daljem tekstu: Program) realizuje se zapošljavanjem nezaposlenih osoba iz ciljnih kategorija žrtava nasilja i mladih koji su izašli iz sistema javne brige kod poslodavaca sa područja Kantona Sarajevo.

Cilj Programa je omogućiti žrtvama nasilja i mladima koji su izašli iz sistema javne brige pristup tržištu rada kroz sveobuhvatnu podršku, profesionalno osnaživanje i ekonomsko osamostaljivanje. Program je usmjeren na stvaranje trajnih i održivih radnih prilika za navedene ciljne kategorije.

II

U Programu pravo učešće imaju sve nezaposlene iz ciljnih kategorija žrtava nasilja i mladih koji su izašli iz sistema javne brige, prijavljene na evidenciju nezaposlenih u Kantonu Sarajevo prije aplikacije poslodavca na javni poziv, te poslodavci registrovani u Kantonu Sarajevo.

III

Služba će poslodavcima koji budu obuhvaćeni ovim Programom, refundirati sredstva u iznosu od 1.500,00 KM mjesečno u trajanju od 12 mjeseca po novouposlenoj osobi ciljne kategorije za isplatu plaća i pripadajućih poreza i doprinosa u skladu sa propisima koji uređuju ove obaveze. Svi drugi troškovi padaju na teret poslodavca.

IV

Nezaposlene osobe koje ispunjavaju uslove Programa, dužne su u Službi ili putem web stranice Službe, preuzeti vaučer za posao, pronaći poslodavca koji također ispunjava uslove Programa te predati vaučer poslodavcu na dalje postupanje.

V

Poslodavci koji žele učestvovati u Programu dužni su uz elektronsku prijavu prilikom apliciranja putem zvanične web stranice Službe (www.szks.ba) dostaviti skeniranu dokumentaciju u originalu ili ovjerenoj kopiji u roku predviđenom u javnom pozivu u nastavku kako slijedi:

- a) rješenje o registraciji u Kantonu Sarajevo a za pravna lica koja su u skladu sa Zakonom obavezna izvršiti upis u sudski registar, dostaviti aktuelni izvod iz sudskog registra u Kantonu Sarajevo koji ne smije biti stariji od 60 dana od dana podnošenja aplikacije na javni poziv,
- b) uvjerenje o izmirenim obavezama po osnovu poreza i doprinosa ne starije od 60 dana od dana podnošenja aplikacije na javni poziv (izdat od strane Porezne uprave Federacije Bosne i Hercegovine),
- c) listing o broju uposlenih koji ne smije biti stariji od 60 dana od dana podnošenja aplikacije na javni poziv (izdat od strane Porezne uprave Federacije Bosne i Hercegovine),
- d) uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) koje ne smije biti starije od 60 dana od dana podnošenja aplikacije na javni poziv,
- e) vaučer/e za posao skeniran/e popunjen/e i ovjeren/e od strane nezaposlene/ih osobe/a i poslodavca,
- f) dokaz da nezaposlena /e osoba/e čije se zapošljavanje sufinansira potpada/ju pod navedenu ciljnu kategoriju iz stava (3) ovog člana – dokaz od nadležnih institucija koje vode evidenciju (nadležnog centra za socijalni rad, MUP-a, Suda, sigurne kuće ili drugi relevantni dokazi izdati od strane nadležnih organa/institucija kojima se dokazuje ciljna kategorija).

VI

Poslodavci koji redovno ne izmiruju obaveze uplata javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje BiH ukoliko je poslodavac PDV obveznik o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje BiH ili uvjerenje da poslodavac vrši uplate po potpisanom ugovoru,

Poslodavci koji nemaju nijednog radnika ili osobu prijavljenu u radni odnos.

VII

Javni poziv za Program ostaje otvoren do utroška predviđenih sredstava, a najduže 3 mjeseca od dana objave uz mogućnost prekida i prije 3 mjeseca, a odobravanje aplikacija po Programu vršit će se prema vremenu i redosljedu zaprimanja propisanim elektronskim putem.

VIII

Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja aplikacije na javni poziv, uvećan za broj sufinansiranih osoba, osim u slučajevima odlazaka u penziju postojećih radnika, raskida ugovora o radu na zahtjev radnika ili isteka ugovora o radu na period na koji je sklopljen a do okončanja ugovora o sufinansiranju. Odredbe ovog stava, ne odnose se na poslodavce iz javnog sektora.

IX

Odobrovanje aplikacija koje ispunjavaju uslove iz Programa, vrši se po vremenu i redosljedu zaprimanja propisanim elektronskim putem te na osnovu toga utvrđuje se prijedlog liste poslodavaca sa nezaposlenim osobama za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anekse ugovora.

X

Ugovorom između Službe i poslodavca a nakon usvajanja liste, uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate plaća i pripadajućih poreza i doprinosa u skladu sa propisima koji uređuju ove obaveze, zadržavanje u radnom odnosu istog broja radnika koji je zatečen u periodu od podnošenja aplikacije na javni poziv do isteka sufinansiranja uz navedene izuzetke i ostala prava i obaveze između poslodavca i Službe.

XI

Rok za realizaciju Programa je 18 mjeseci od dana potpisivanja pojedinačnih ugovora nakon usvajanja liste, uključujući i eventualne anekse ugovora. Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodijskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a o čemu će poslodavac blagovremeno obavijestiti Službu te dostaviti relevantne dokaze o prethodno navedenom.

XII

Poslodavci mogu odmah nakon podnošenja aplikacije na javni poziv zaposliti osobu na vlastitu odgovornost i teret, a refundacija sredstava po Programu teče od dana usvajanja listi te poslodavcima korisnicima programa može se omogućiti zapošljavanje zamjenskih osoba ukoliko su prethodno zaposlene osobe samoinicijativno raskinule ugovor ili odustale od učešća u Programu prije stupanja u radni odnos a za šta će iste dati potpisanu i propisno ovjerenu izjavu kao dokaz o odustajanju. Vaučeri zamjenskih osoba po Programu moraju imati istu kategoriju kao prethodno zaposlene osobe. Izuzetno, u svrhu zapošljavanja zamjenskih osoba, poslodavac može dostaviti odluku o otkazu ugovora o radu u slučaju teže povrede radne obaveze i ostalih zakonom predviđenih situacija za otkazivanje ugovora o radu od strane poslodavca.

XIII

Aplikacije sa potrebnom dokumentacijom, podnose se isključivo Javnoj ustanovi „Služba za zapošljavanje Kantona Sarajevo“ Sarajevo, putem elektronske forme na web stranici www.szks.ba (jedini način podnošenja prijava na Javni poziv).

Detaljne informacije o načinu registracije korisnika na aplikaciju za elektronsku prijavu na Javni poziv nalaze se na web stranici www.szks.ba u formi objavljenog video uputstva i objavljenog dokumenta „Uputstvo o načinu i postupku registracije i elektronskih podnošenja aplikacija/prijava u svrhu prijavljivanja na javne pozive po Programima za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u Javnoj ustanovi „Služba za zapošljavanje Kantona Sarajevo“ Sarajevo.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-081

Sarajevo, Đoke Mazalića 3,

web-stranica: www.szks.ba; e-mail adresa: info@szks.ba

Tel:++387 (33) 569-100, fax: 204-177; Matični broj: 4200304610003;

Poreski broj: 01079085; Računi Intesa Sanpaolo Banka d.d. Sarajevo:

1549212010171056-depozitni račun, 1540012000135120-transakcijski račun

